



DEO OPTIMO MAX. UNI ET TRINO,

VIRGINI DEI-PARÆ, ET S. LUCE,
Orthodoxorum Medicorum Patropo.

QUÆSTIO MEDICO-CHIRURGICA.
QUOD LIBET ARIIS DISPUTATIONIBUS
*manè discutienda, in Scholis Medicorum, die Veneris decimâ-quartâ
mensis Martii, Anno Domini M. DCC. LXVI.*

M. PETRO-ANTONIO LEPY, Antiquiore
Scholæ Magistro, Doctore Medico, Præsidente.

*An Satius sit Catheterem in media sua curvatura parte foraminulo utrinque pertundi,
quam versus apicem?*



BI suppressa mictio, ibi & admovenda plerumque Chirurgi manus. Undequaque oppugnatur vesica; nunc genuinus urinæ tentatur exitus, nunc aliena lotio sternitur via. Cætera methodi rariores, prima frequentior. Ex quolibet metallo, sæpius ex argento, paratur fistula ad medietatem usque recta, cæterum vero recurva. Versus apicem duabus fissuris utrinque laceratur, quibus effluere queant ægri pœnæ. Per urethræ sinum inditur ista fistula oleo prius inuncta, & adusque vesicæ interiora, variis nixibus & tentaminibus, quantum potis est, soler-

tissime ducitur. Superatis obicibus, per artificialem ductum pleno rivo profluunt urinæ. Pro re nata catheter extrahitur, vel in vesica relinquitur; identidem tamen educendus & e sordibus eluendus. Hucusque ratio medendi optima, mendosa vero instrumenti fabrica. Cathetere enim mox descripto exhauriuntur quidem limpida, sed lutulenta remanent: leviores prolliciuntur lotii partes, graviores necuntur moræ: compefcitur primus seditionis motus, belli fomes non omnino extinguitur.

II.

DUABUS de causis *specillum tubulatum* immittitur in vesica: vel ut vacua repleatur, vel quod vulgatus, ut plena vacuetur. Ad primum pertinent injectiones, quæ quidem quovis tubulo fieri possunt; secundum spectat urinæeductio, quæ non itidem omni indiscriminatim cathetere perficitur. Quo modo etenim aquæ lutulentæ, ita & urinæ. In hac sicut & in cæteris liquoribus, levia sustentantur sunt, gravia demersui. Sic in matulis semper deprehendere est sedimentum arenosum; si ægrotantis renes vel organa uropea aliquo morbo laborent, non raro quiddam puriforme. Res ita se habent in vesica urinaria & potissimum in his quibus immisio catheteris vertitur solatio. Isti quotis diebus desides, in lecto resupini cubantes, situm vix mutare queunt, unde & facilius sedimenta fundum petere. Maximi tamen momenti istas sordes una cum lotio effluere, saltem si ægrum a plurimis symptomatibus immunem, aliorumve morborum purum præstare velis.

III.

FIGURAM infra delineatam intuenti, prima fronte patebit, his omnibus minime prospicere vulgarem fistulam. 1.^o Liqueat cathetere versus apicem utrinque fissio, vesicam omnino vacuari non posse. 2.^o Non raro observare est apicem catheteris immissi, usque ad fundum vesicæ pertingere, ibi quamdam irritationem procreare, qua quidem irritatione fibrarum muscularium vesicæ oritur contractio, rotatim involvitur apex fistulæ, occluduntur fissuræ, ac tunc ne quidem una lotii gutta elici. His in circumstantiis, catheterem paucillum retrahunt Chirurgi & a fundo vesicæ amoveant, statimque foras protruditur urina. 3.^o Tandem nemo est qui non sentiat tubulo vulgari nullatenus exhauriri posse partes lutulentas, puriformes, arenosas, quæ infra fissuras positæ, ideo exire nequeunt, sed in vesica commorari iterum coguntur, donec superata prima morbi causa, retracto cathetere, per solitum iter una cum lotio viam facere possint.

IV.

QUÆ igitur modo recensuimus, nobis meliora suaserunt. Catheter jam non amplius perforetur versus apicem, sed in media suæ curvaturæ parte. Sic omnis periculi succideret metus. Nulla jam fibrarum vesicæ irritatio aut contractio iter artorum paratum occludere valebit: nullæ lotii partes sive arenosæ, sive turbidæ, sive puriformes in vesicâ remoram pati. Et quidem nescimus quo fato catheterem versus apicem primi Chirurgi findere tentarunt. Nonne ultro occurrebat nostrum argumentum? Nonne ars æmula naturæ? Optimane hominum parens Natura iter sulcavit urinis versus fundum vel medias vesicæ partes? An qui de exhauriendo cado cogitant, per suam

3

dum cadi imittunt tubulum recurvum & ad apicem foratum? Minime quidem. Isti partem vasis decliviorē acu petunt, ibique cannulam adaptant, quo artificio facillime tota capacitas una vice exsiccaretur. Similia igitur nunc facito: & quam vobis monstravit in exoneranda vesica natura viam, hanc in lotio educendo imitemini.

V.

NIHIL est quod sibilent obrectatores adversus nostram conclusionem. Quod igitur superest temporis, illud impendimus in perpendendis quibusdam quæ ad argumentum attinent.

I.^o Ex variis catheteribus iste potissimum nobis arridet cuius figuram infra delineandam curavimus. Hic ad instar litteræ S figuratur: & hæc est ratio cur iste præ cæteris palmam obtinere videatur. Ubi cathetere *ad medietatem usque recto* utuntur Chirurgi, raro per peti tractu fertur urina in matellam: sed ut plurimum & imprimis si resupinus æger in sponda jaceat, & sub fine operationis, secundum posteriorem penis partem & perinæum defillant, ægri nates irrigant, totumque lectum conspurcant. Hujus spurcicie occasio præcidetur nostro instrumento, uti unicusque patet.

II.^o Ne in immittendo tubulo nostro ex rugis urethiæ (quod quidem frequentius in senibus) quamdam remoram experiatur Chirurgus, dum istas rugas fissuræ catheteris admitere videntur, in vicem styli metallici, stylum ex balana fictum anteponendum esse opinamur. Hæc virga balænacea totam fistulæ cavitatem sedulo adimpleat; ora vero vel labia fissurarum sint lævia, & apprime cum stylo connectantur ac jungantur. Et hæc sufficiant de cathetere nostro. Si quæ omisimus, facile supplebit figuræ inspectio.

*Ergo salius est Cathetere in media sua curvatura parte foraminulo utrinque pertundi,
quam versus apicem.*

DOMINI DOCTORES DISPUTATURI.

M. Joannes D'ARCEY.

M. Ludovicus-Gilbertus-Alexander BOYROT DEJONCHERES.

M. Petrus CHEVALIER.

M. Franciscus THIERRY DE BUSSY.

M. Carolus SALLIN.

M. Franciscus BERNARD.


M. Hugo GAUTHIER.

M. Simon VACHER.

M. Joannes LETRIEUVILLIER.
*Facultatis ex-Decanus &
Academia Censor, necnon
Scholarum Professor designatus.*

Proponebat Parisiis EDMUNDUS-CLAUDIUS BOURRU, Parisinus,
Saluberrimæ Facultatis Medicinæ Parisiensis Baccalaureus, Theseos Auctor.
A. R. S. H. 1766, A. SEXTA AD MERIDIEM.

Typis QUILLAU, Universitatis & Facultatis Med. Typographi, 1766.



EXPLICATIO TABULÆ.

Figura hic apposita designat sectionem vesicæ, prostratæ, urethræ & glandis, cum Cathetere nostro his in partibus immisso.

A, B. Catheter ad mentem nostram figuratus, olim in A seu in apice foramine utrinque donatus, nunc vero in C perforandus. B est rostrum instrumenti.

D, E, F, vesica ex latere secta, cujus F fundus.

G. Glans penis.

P. Prostata.

UU. Indicant urethræ tramitem.

Lineola *a, b*, expressa fuit, ut pateret cathetere vulgari nusquam posse exhaustiri partes urinæ graviores, quæ nimirum infra fissuras catheteris subsident: nostro autem instrumento perquam facillime exsicari omnino posse vesicam,